



Broj: 08-06-5-43-3/23
Sarajevo: 20.02.2023. godine

Savez općina i gradova Federacije Bosne i Hercegovine
Musala 5/1
71 000 Sarajevo

Savez opština i gradova Republike Srpske
Potporučnika Smajića br 18/III
76300 Bijeljina

Brčko distrikt BiH
Kancelarija gradonačelnika Brčko distrikta BiH
Bulevar mira 1
76100 Brčko

Predmet: Informacija o info danu povodom prvog poziva u okviru programa URBACT IV 2021-2027

Obraćamo vam se u ime Direkcije za evropske integracije, nadležne institucije za implementaciju programa teritorijalne saradnje u Bosni i Hercegovini, kako bismo vas informisali o programu međuregionalne saradnje URBACT odnosno pristupanju BiH u navedeni program te mogućostima učešća u istom.

URBACT IV program je jedan od programa teritorijalne saradnje u Evropskoj uniji u periodu 2021-2027 i predstavlja jedan od instrumenata evropske kohezione politike. U programu učestvuje 27 zemalja članica EU, Norveška, Švajcarska i pet zemalja Zapadnog Balkana korisnica IPA-e: Albanija, Bosna i Hercegovina, Crna Gora, Sjeverna Makedonija i Srbija. Učešće zemalja članica EU se finansira iz sredstava Evropskog fonda za regionalni razvoj (ERDF), IPA zemalja iz IPA III dok se učešće Norveške i Švajcarske finansira iz državnih budžeta tih zemalja.

Ukupan doprinos EU sredstava u programu je oko 84,8 miliona eura (oko 79,8 miliona eura iz ERDF-a i 5 miliona eura iz IPA III) što sa kofinansiranjem od strane korisnika iznosi ukupno oko 108 miliona eura (oko 102,9 miliona za ERDF partnere i 5,16 miliona za IPA partnere dok doprinos trećih zemalja (Norveške i Švajcarske) iznosi oko 103.000 eura). Procenat kofinansiranja od strane korisnika nije isti za sve partnere: za korisnike ERDF sredstava varira u zavisnosti od razvijenosti regiona iz kog partner potiče, za IPA partnere iznosi najmanje 5%, a za partnere iz Norveške i Švajcarske 50%.

Ulogu Upravljačkog tijela Programa ima Državna agencija za teritorijalnu koheziju Francuske (*Agence Nationale pour la Cohésion des Territoires* (ANCT)) sa sjedištem u Parizu gdje su smještene i druge relevantne programske strukture kao što je Revizorsko tijelo i Zajednički sekretarijat programa .

Glavni cilj Programa je promocija integrisanog održivog urbanog razvoja, poboljšanje politika i efektivnosti kohezione politike u gradovima. Program podržava izgradnju kapaciteta institucija nadležnih za izradu i implementaciju strategija za urbani razvoj kroz umrežavanje i razmjenu znanja i dobrih praksi među gradovima i drugim nivoima administracije.

Osim gradova, opština i lokalnih agencija uspostavljenih od strane gradova ili opština za svrhu dizajniranja i implementacije specifičnih politika (npr. ekonomski razvoj, energija, zdravstvene usluge, transport, itd.) te unutarnjih organizacionih jedinica kao što su gradske četvrti ukoliko imaju nadženosti za kreiranje politika, među prihvatljivim korisnicima su i lokalne/regionalne/državne administracije, univerziteti i istraživački centri kao i upravljačka tijela za kohezionu politiku i EU fond solidarnosti.

Prvi poziv za dostavljanje projektnih prijedloga je objavljen 09.01.2023. godine, a rok za prijavu projekata je 31.03.2023. godine. Direkcija za evropske integracije zajedno sa Zajedničkim sekretarijatom programa organizuje info dan (online) sa ciljem informisanja i animiranja relevantnih aktera u BiH za učešće u Programu/pozivu koji će biti održan 03. marta 2023. godine u 10:00 sati. Ovim putem vas pozivamo da se prijavite za učešće putem linka koji je objavljen na internet stranici DEI kao i na internet stranici Programa (<https://www.dei.gov.ba/bs/poziv-na-online-info-dan-povodom-prvog-poziva-programa-urbact-iv>).

Takođe vas molimo da informaciju o održavanju info dana prosljedite članovima Saveza općina i gradova Federacije Bosne i Hercegovine i članovima Saveza opština i gradova Republike Srpske.

S poštovanjem,



DIREKTOR
Edin Dilberović

Dostavljeno:

1. naslovu (x3)
2. a/a